

Papit Plei Ola Saam 119:105

Mainwan wed: YAWEI, yu wed shain laiga lait blanga shoum mi det wei blanga go en im totjim main roud.

Baibul Bes: Ola Saam 119:105

Bangardi: Yawei, yu wed shain laiga lait.....

Wamutjan: Wanim yu toktok?

Bangardi: O gudei Wumatjan, ai ridium Baibul buk.

Wamutjan: Aibin lisin yubin toktok blanga totjimat roud. En wotfo yu wandim det totj lait im olredi sangidap indit?

Bangardi: Nomo Wamutjan ai nomo toktok blanga riliwan totj lait, im laiga pitja stori. Det lait im im Gods Wed, weya imbin gibit langa wi. Det roud im laiga pitja blanga wi laif. Dedi God wandim wi blanga ridim det Baibul ebridei blanga shoum wi wujei blanga go.

Wamutjan: Yuwai. Lagijat na bat stil ai nomo sabi holot.

Bangardi: Orait ai dalim yu wanim Baibul min. Yu sabi wen im naitaim en yu wandi gobek la kemp im brabli dakwan en yu garra abum totj lait blanga totjim det roud blanga yu?? bambai yu mait boldaun langa hol o sneik baidim yu. Im lagijat du wen wi ridim det Baibul, im album wi blanga dum raitwan ting.

Wamutjan: Wanim ol detlot raitwan ting wi garra dum?

Bangardi: Yu gin album yu fren wen im nogudbinji. O laigimat enibodi wen dei nomo laigim yu o trai sherimat enijing garram yu fren o femili.

Wamutjan: Ai sabi na, ai garra ridim det Baibul ebridei na en Dedi God gin shoum mi weya blanga go.

Bangardi: Lagijat na